



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბაჟბეუქ-მელიქიანი (ბაჟბეუქ-მელიქოვი) ალექსანდრე ალექსანდრეს ძე

ბაჟბეუქ-მელიქიანი (ბაჟბეუქ-მელიქოვი) ალექსანდრე ალექსანდრეს ძე [30. VIII (11. IX). 1891, თბილისი, – 20. VII. 1966, იქვე], სომეხი ფერმწერი. საქართვე. დამს. მხატვარი (1961). ცხოვრობდა და მოღვაწეობდა საქართველოში.

სწავლობდა თბილ. სამხატვრო სასწავლებელში (1906–10), პეტერბ. სამხატვრო აკადემიაში (1910–12). ასწავლიდა თბილ. სახელოსნო სასწავლებელში (1922–29), თბილ. სამხატვრო აკადემიაში (1929–38). სამხატვრო გამოფენებში მონაწილეობდა 1912-იდან.

ბ-ის ნამუშევრებს ახასიათებს ფერწერულობა, დახვეწილი კოლორიტი, რომანტიკულობა, ლირიზმი, შინაგანი სითბო. მთავარი ნამუშევრები: „ნისქვილი ორთაჭალაში“ (1930), ავტოპორტრეტი (1935, ორივე სომხ. სურათების გალერეა, ერევანი), „მწვანე თუთიყუში“ (1933), სურათების ციკლი „ცირკი“ (1939–40), „მიტოვებული“ (1942, ყველა კერძო კუთვნილება), „საჩუქარი ფრონტისათვის“ (1944), „ქალიშვილი ყვავილით“ (1946, ორივე-საქართვე. ხელოვნ. მუზეუმი, თბილისი).
